

Ո Ր Ո Շ ՈՒ Մ


Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

19.07.2016թ.

ք.Երևան

Ճանապարհային ոստիկանության պետ, ոստիկանության գնդապետ Ա.Ղազարյանի վերաբերյալ քաղ.Արմեն Ղազարյանի դիմումի շուրջ ստեղծված նյութի

Պ Ա Ր Ձ Ե Ց Ի



24.06.2016թ. Երևան քաղաքի Հակոբյան փող. 23 տան բնակիչ Ա.Ղազարյանը դիմումով հայտնել է, որ 2016թ. հունիսի 1-ին, ժամը 00:30-ի սահմաններում, միջոցառման շրջանակներում կանգնեցվել է ճանապարհային ոստիկանության տեսուչ Հակոբյանի կողմից, ով, ալկոհոլի հոտի հիմնավորումով և առանց իր սթափության վիճակը ստուգելու, ավտոմոբիլը տեղափոխել է ճանապարհային ոստիկանության 1-ին սպայական գումարտակ: Սթափության վիճակի գնման վերաբերյալ ավագ բժիշկ Ալիխանովայի տրամադրած արձանագրության համաձայն հետազոտության արդյունքն եղել է 0.21մգ/լ: Համոզված լինելով, որ կես բաժակ գարեջրից չէր կարող գտնվել ոչ սթափ վիճակում՝ քաղ.Ա.Ղազարյանը խնդրել է գնման իրականացնել արյան միջոցով, ինչին բժիշկ Ալիխանովան հայտնել է, որ իրենք արյուն չեն վերցնում և խնդրել արագ դուրս գալ սենյակից: Դիմումատուն նշել է, որ ստուգումն իրականացվել է 00:50-ին, որից հետո տաքսի մեքենայով անմիջապես ուղևորվել է նարկոլոգիական կենտրոն, որտեղ արյան միջոցով իրականացրել է սթափության վիճակի գնման և պարզվել, որ ալկոհոլի պարունակությունն արյան մեջ կազմում է 0.05գ/լ: 2016թ. հունիսի 6-ին իրականացված վարչական վարույթի շրջանակներում, առանց քննարկում անցկացնելու, իրենից վերցվել է ժամանակավոր վարորդական վկայականը, վերադարձվել իր վարորդական վկայականը և տրամադրվել ԱԹ թիվ 808181 որոշումը: Ա.Ղազարյանը նշել է, որ համաձայն չէ որոշման հետ, քանի որ խախտվել են մի շարք օրենքներ և խնդրել անվավեր ճանաչել կայացված որոշումը:

Դիմումի ուսումնասիրությամբ պարզվել է, որ 01.06.2016թ., ժամը 00:30-ի սահմաններում, Երևան քաղաքի Բաղրամյան պողոտայում քաղ.Ա.Ղազարյանի կողմից վարած «Միցուբիշի» մակնիշի 90 ՍԼ 101 հաշվառման համարանիշի ավտոմոբիլը կանգնեցվել է «Սթափ վարորդ» միջոցառման շրջանակներում ճանապարհային ոստիկանության ԳՊԾ 1-ին սպայական գումարտակի 7-րդ սպայական դասակի տեսուչ, ոստիկանության ավագ լեյտենանտ Գ.Հովհաննիսյանի կողմից: Տեսուչի մոտ կասկած է առաջացել, որ վարորդը գտնվում է ոչ սթափ վիճակում, ինչի պատճառով վերջինիս ներկայացրել են ճանապարհային ոստիկանության ԳՊԾ 1-ին սպայական գումարտակ՝ «Շտապբուժօգնություն» ՓԲԸ բժշկի կողմից սթափության վիճակի գնման իրականացնելու համար: Բժշկի կողմից տրամադրված սթափության վիճակի գնման թիվ 103013 արձանագրության համաձայն՝ վարորդի արտաշնչած մեկ լիտր օդում ալկոհոլի պարունակությունը ժամը 00:50-ին կազմել է 0.21 միլիգրամ: Վարորդի նկատմամբ կազմվել է վարչական իրավախախտման վերաբերյալ արձանագրություն, որի հիման վրա 06.06.2016թ. ճանապարհային ոստիկանության ՊՀՎ բաժնի ՎԳ բաժանմունքի պետ, ոստիկանության փոխգնդապետ Հ.Կարապետյանը, Վարչական իրավախախտումների վերաբերյալ ՀՀ օրենսգրքի 126-րդ հոդվածի 1-ին մասի համաձայն, կայացրել է ԱԹ թիվ 808181 որոշումը՝ 150.000 ՀՀ դրամ տուգանելու մասին:

Քաղ. Ա.Ղազարյանի կողմից տրամադրված սթափության վիճակի գնման արձանագրության ուսումնասիրությամբ պարզվել է, որ վերջինիս սթափության վիճակը, նույն օրը ժամը 02:00-ին գնման է «Նարկոլոգիական հանրապետական կենտրոն» ՓԲԸ-ում և տրվել


Հաշվի առնելով, որ ճանապարհային ոստիկանության ճՊԾ 1-ին սպայական գումարտակում և նարկոլոգիական կենտրոնում իրականացված սթափության վիճակի զննություններն իրականացվել են 1 ժամ 10 րոպե տարբերությամբ և հիմք ընդունելով նմանատիպ հարցով «Շտապբուժօգնություն» ՓԲԸ ուղարկված հարցմանն ի պատասխան ստացված պարզաբանումը, որի համաձայն ալկոհոլ օգտագործելուց հետո դրա մաքսիմալ կոնցենտրացիան օրգանիզմ հասնում է 1-2 ժամ հետո, տարածվում է ողջ օրգանիզմով, այնուհետև, երկու ժամվա ընթացքում, սկսվում է ալկոհոլի տրոհումը և օրգանիզմից հեռացումը (1 ժամում՝ 0.12նգ/լ-0.13նգ/լ)՝ քաղ.Ա.Ղազարյանի կողմից ներկայացված թիվ 0836-Ն տոքսիկոքիմիական լաբորատորայի եզրակացությունը չի կարող հիմք ընդունվել կայացված որոշման բեկանման համար:

Այսպիսով, կատարված ուսումնասիրություններով պարզվել է, որ քաղ.Ա.Ղազարյանի արարքում առկա է Վարչական իրավախախտումների վերաբերյալ ՀՀ օրենսգրքի 126 հոդվածի 1-ին մասով նախատեսված դեպքը, ուստի, ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով,

### Ո Ր Ո Շ Ե Ց Ի՝

1. Արմեն Ղազարյանի դիմումը թողնել **առանց բավարարման**, իսկ ճանապարհային ոստիկանության ճՊԾ 1-ին սպայական գումարտակի 7-րդ սպայական դասակի տեսուչ, ոստիկանության ավագ լեյտենանտ Գ.Հովհաննիսյանի 01.06.2016թ. կազմած վարչական իրավախախտման արձանագրության հիման վրա ճանապարհային ոստիկանության ՊՀՎ բաժնի ՎԳ բաժանմունքի պետ, ոստիկանության փոխգնդապետ Հ.Կարապետյան կողմից 06.06.2016թ. կայացրած ԱԹ թիվ 808181 որոշումը՝ Արմեն Ղազարյանին հարյուր հիսուն հազար դրամ տուգանելու մասին՝ **անփոփոխ**:

2. Սույն որոշման օրինակներն ուղարկել ճանապարհային ոստիկանության ՊՀՎ բաժնի ՎԳ բաժանմունք և դիմումատուին:



Ա.Հակոբյան

